

**Uunga siunnersuut: Procenti aaqqiissutissaq pillugu Inatsisartut inatsisaat nr. xx, xx.
xxx 2017-imeersoq**

§ 1. Procenti aaqqiissutissaq nuussinikkut isertitat, akileraarutit, akitsuutit il.il. ukiumoortumik aaqqinneqarnissaannut tunngaviusussaq ukiunut aningaasanut inatsiseqarfiusunut tamanut, inatsimmi matumani aalajangersakkat naapertorlugit angissusilerneqartassaaq.

Imm. 2. Procenti aaqqiissutissaq atorlugu aaqqinneqartussat tassaapput kisitsosit manna ti-killugu atuuttuusut.

Procenti aaqqiissutissaq

§ 2. Ukumi aningaasanut inatsiseqarfiusumi procenti aaqqiissutissaq tassaavoq pisortani atorfeqartut ukumi akissarsiaqarfiusumi ukiumut akissarsiaasa, ukiumut akissarsiaqarfiusumut siulianut sanilliullugu procentinngorlugu allannguutaat. Procenti aaqqiissutissaq uniffiuptalerpiani kisitsimmik ataatsimik kisitsiseqartillugu naatsorsorneqartassaaq.

Imm. 2. Ukioq akissarsiaqarfiusoq tassaavoq, ukioq aningaasanut inatsiseqarfiusoq ukiunik marlunnik sioqqullugu ukioq.

Imm. 3. Ukiumut akissarsiat pisortani atorfeqartut ukiumut akissarsiaasa tamarmiusut, soraarerussutisiaqarnissamut aaqqissuussinernut il.il. akileeqataassuutit sulisitsisunit isumagi-neqartut ilanngunnagit, ataatsimoortillugit sanilliunnerisigut naatsorsorneqartassapput.

§ 3. Procentip aaqqiissutissap angissusissaa Naalakkersuisut ukiut tamaasa kingusinnerpamik augustip qaammataani nalunaarutigisassavaat.

§ 4. Procentip aaqqiissutissap il.il. naatsorsorneqarnissaat pillugu maleruagassat sukumiinerusut, matumani aamma maleruagassat ukiumut akissarsiat ineriarnerannik § 2 naapertorlugu naatsorsuinissami kisitsisitigut tunngavissat allannguuteqartarnissaannik aamma piffissap suliffiusup il.il. allannguuteqartarnissaannik naatsorsuutiginnittut Naalakkersuisunit aalajangersarneqarsinnaapput.

Maannakkorpiaq aningaasarsiat

§ 5. Maannakkorpiaq aningaasarsiat tassaapput inuup qaamatini 12-ini aningaasarsiai akilerauteqaataasussat aamma soraarerussutisiai, Aningaasarsianit akileraarutit pillugit Inatsisartut inatsisaanni § 39 a-mi pineqartut.

Imm. 2. Maannakkorpiaq aningaasarsianik naatsorsuinermi ilanngaatigineqartassaaq inuup ukumi aningaasarsiorfiusumi, tapiissutinik tunniussinissaq pillugu aalajangiiffiusumi, akiliutissanik il.il. angissusiliiffiusumi ilanngaat aalajangersimasoq, Aningaasarsianit akileraarutit

pillugit Inatsisartut inatsisaanni § 21, imm. 2-miuttoq. Inoqutigiit maannakkorpiaq aningaasar-siaat tunngavigalugit aalajangiisoqassappat, inuit 18-it inorlugit ukiullit ilanngaataat aalaja-nersimasoq ilanngaatigineqartassanngilaq, soorluttaaq inoqutigiinnut ataatsinut inummut ilanngaatit annerpaamik marluk ilanngaatigineqarsinnaasut.

Imm. 3. Naatsorsuinermi ilanngunneqassanngillat:

- 1) soraarnerussutisiaqarnissamut aaqqissuussinernut Aningaasarsianit akileraarutit pillugit Inatsisartut inatsisaanni § 39 a-mi taaneqartunut akiliutit akileraaruteqaataasussat, aamma
- 2) Pisortanit ikorsiissutit pillugit Inatsisartut peqqussutaat naapertorlugu ikorsiissutit.

Imm. 4. Naalakkersuisut maannakkorpiaq aningaasarsiat naatsorsornissaat pillugu malerua-gassanik erseqinnerusunik aalajangersaassapput. Aamma soraarnerussutisiat § 39 a-mi pine-qartut aamma akissarsiat, Aningaasarsianit akileraarutit pillugit Inatsisartut inatsisaanni § 70-imilu § 71-imilu pineqartut akileraarutit ilanngaatigineqartinnagit nalinginut qanoq naatsorsor-neqartarnissaat aammalu aningaasarsiat il.il. ilaasa ilanngunneqartangginnissaat Naalakkersui-sut aalajangersarsinnaavaat.

Imm. 5. Inuk qaammatini 12-ini aningaasarsianik akileraaruteqaataasussanik akissarsiaqarsi-manngippat imaluunniit Aningaasarsianit akileraarutit pillugit Inatsisartut inatsisaanni § 39 a-mi pineqartunik soraarnerussutisiaqarsimanngippat, Naalakkersuisut maannakkorpiaq ani-ngaasarsiat naatsorsorneqarnissaat pillugu maleruagassanik erseqinnerusunik aalajangersaas-sapput.

§ 6. Inuup maannakkorpiaq aningaasarsiaasa 5 procentimik tassanngaluunniit anginerusumik allannguiteqarnissaat naatsorsuutigineqarpat, maannakkorpiaq aningaasarsiat maannakkorpiaq aningaasarsiassatut naatsorsuutigisat tamarmiusut tunngavigalugit naatsorsorneqassapput.

Atortuulerfia

§ 7. Inatsit 1. juli 2018-imilu atortuulissaqq, atutissallunilu ukiumut aningaasanut inatsiseqar-fiusumut 2019-imut procentip aaqqiissutissap angissusilerneqarnera aallarnerfigalugu.

Imm. 2. Inatsisip atortuulersinneqaneratigut Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 29, 28. november 2016-imeersumi § 2, imm. 3 atorunnaarsinneqarpoq.

Namminersorlutik Oqartussat, ulloq xx. xxxx 2017

Kim Kielsen